

秋澗先生大全文集

五

秋澗先生
全集

PDG

秋澗先生大全文集卷第十五

七言律詩

遽大夫廟

芒鞋兩自近關行頗訝先生出處輕
道亟卷懷傷喪亂仕因公養辟專榮
輟車彷彿公門敬寡過依稀聖者清
故國令煙喬木老至今君子號鄉名

苦雨吟

禾頭生耳駭輪囷一雨霖霑迫兩旬
蛙出坎居喧鼓吹蟻連封垤失君臣
陰沉便恐陽烏慘飛舞爭看石燕神
寄謝碧鷄坊裏客不煩羹釜怨生塵

迎秋

大暑推回酷吏輒先聲傳喜到梧楸
清商載路歌夷

則白駱前驅候蓐收氣肅衣裳初浹辟露清行殿拜
凝旒若論成結功尤著不解詞臣九辯愁

明霽

雷霆威霽雨初迴戰罷昆陽萬馬摧成結歲功真有
望洗清天宇覺重開秋菌出木驚朝暮野水增波阻
往來腰足痺頑欣一散約携藜杖晚登臺

箕子廟唐在汲郡

剗剔忠良詫肉林當年愁絕父師心道傳未害奴爲
辱俗古方知化獨深上念聖湯思自獻下逢周武是
知音野煙無地尋遺廟空詠芃芃麥秀吟

挽梁防禦邦傑二首

酒船茶竈柳溪煙把臂論交記昔年列郡剖符方再

考銘旌埋恨便終天風纏大樹摧蘇嶺雲黯歸魂近
赫連四十三年成底事一杯慟絕九山前

梁侯躍馬英妙年大冠脩劒身頎然閉車過市殊不
樂快意耳後捫驚絃朝吟醉卧石樓上暮歸射虎南
山前聞說三城足遺愛令人空憶使君賢

奉荅彥正參議書問

清晨庭鵲喜相呼薄暮敲門得素書地重每愁叱照
腮人來還喜駐青居煙開瘴嶺三軍壯氣壓巴江百
戰餘一檄我知邊報靜西南爭識漢相如

酒醒聞雪作呈陳侯

陰雲低壓濕衡茅暖透衾裯地氣交縞色漸生明月
幌風聲先到碧筠梢誰家獵騎長圍去何處柴門向

曉敲開歲春風兩岐秀竚看晴浪際農郊

至元四年歲在丁卯暮春之初陪陳王二
郡侯泛舟清水薰携妓樂

山圍牧野青未了河抱鄘城勢轉雄高會遠為開府
設仙舟還許李膺同春光淡沲明歌扇吹管飄蕭颺
遠風鄭重使君雙皂蓋月難留醉恨忽忽

風暖溪深夾岸花緩移蘭棹轉難沙醉停杯酒清歌
細看弄漁舟白日斜誰與浣花徵故事行觀春物到
山家沙堤不用雙紅燭馬有歸時月有牙

川故事太守自正月出
三月及浣花止

溪回路轉無多曲風軟舟輕恰數人汀樹弄晴供望
眼岸花迎笑喜行春千年勝賞蘭皋在五郡謳吟使

節新多謝絕 吹醉帽惺惺恰及到城闌

寄王總管子初

新築茅堂並水扉柳陰連接到漁磯
平疇綠滿禾方秀高樹涼多露未晞
挾策不干丞相府入山終製芟荷衣
故人好在龍津府書葉翻香吏事稀

和節齋言懷詩韻

元龍湖海見平生老我韜鈴未易兵
格物志精先寔學採時心切耻虛名
風雲自是龍頭客吟策空懷蠹上耕
袖裡驪珠三百顆每從開譙得晶明

林塘秋曉

躡足烟霄謝俊游野人高興在林丘
近山欲雨先衣潤秋水增波拍岸流
水葉靜時存復理人心安處即

天遊陽溪田父治荒穢斜日疎烟滿樹頭

卜築

塢溪流水抱村斜林杪青山隔岸賒平日買田惟樂
此他時成趣要移家溪邊種柳眠黃犢竹底開門繞
白沙任使傍人呼漫浪雨蓑無負釣魚槎

送王子初揔管奉

詔北上

聖代崇儒意匪輕徵車相望半諸生九天雨露思賢
相十載經綸見老成更化有方先定制採時無驗是
虛名烟霄未遂攀鱗志葵藿空懷向日誠

簡寄楊治中文卿

貳車沁水瞻高駕簿領西臺有舊遊邂逅一樽淇上

酒笑談千古庾南樓豐狐闖首截三穴一鶚盤空健
九秋聞道清源足佳景竹林煙雨夢西州

上史丞相

百揆端歸一相尊中臺潛隱北溟鯤人間桃李爭晴
晝天上風雲擁戟門驚蹇遇知思一顧家山回首惜
空奔幸蒙翦拂長鳴去會有文章報至恩

題相者些言洞春

野隱東過滄海翁醉吞秋日入心胷神機深探乾坤
秘真氣曾驚戶牖龍驢背老髯掀一笑春風歸路指
三峰昂藏我似賓天鶴夢遶仙盤露影儂

和高麗參政李顯甫

恩波如海際天隅一日京師識老蘇喜向崑廊瞻漢

相歎隨仙仗聽嵩呼衣冠自是乘槎客文彩還驚照
乘珠共羨朝天蒙寵渥三韓秋色滿歸塗

開平夏日言懷

土屋髡燈板榻虛一鉅一鉢似僧居半編翰草從人
讀兩鬢霜華向曉梳客子衾裯殘夢短暑天風物暮
秋初故園松菊荒多少豈不懷歸畏簡書

郊送雲叟公

寶鞍塵土滿香羅因送行臺振玉珂出郭快於鷹脫
帽歸懷爭奈轂遺窠夕陽明處亂山淺碧草深時羣
帳多自愧囊錫無利穎青雲臺閣半常何

直中書省

紫禁彤庭尺五天沉沉碧綺鎖秋煙鳳池波暖鏘鳴

佩翰苑才疎愧昔賢人世好懷能幾度風埃長路已
三年綠陰好在西園樹辜負移床聽晚蟬

開平晚歸

七月一日授翰職

龍首壩邊野草深秋風灑水動歸心百年蓬巷開圭
竇一日恩光照上林吟鬢有光浮鏡玉家書封喜詔
泥金料應曉月簾櫳底乾鵲飛來報好音

吊竹

三徑歸來已就荒更堪庭實嘆云亡窻間月出思清
影簾底風來憶細香便擬碧鮮留賦詠恐應塵俗到
膏肓未容分斲蒼苔破拄杖敲門有底忙

和龐參軍雲卿詩韻

萬事雲翻揔釋然不禁哀樂近中年此生得處便為

樂自斷從今不問天最喜遇知傾底裏譬如食客味
中邊吾鄉賴有諸卿在歸隱終期覓魯連

送陳尚書經略成都

暫辭喉舌去籌邊調餉中間別有權托境要當成筭
後務農思在訓兵先雪山已覺公來重玉壘休矜蜀
險偏東北更看諸葛表春風晴霽錦江煙

太原筆工李子昭許贈予雙筆久不見付
作詩以問之

子昭過晉喜新知雙筆親承遠見遺脫帽一從休老
頽臨池幾負躍蟠螭正煩筠管鹿於臂細理毫髮健
作錐父向夢堂驚五彩貯雲含霧莫來邊

聞諸軍飛渡鄂渚前次建康

節駐長洲已浪然鐵絙鎔冷瘴江煙膠舫浮海從南
遁漢日行天摠北旋牛後舉知非晉祚曆期應計過
唐年至元

天子如天覆莫遣虛陳坐榻羶

秋日會牙城白雲樓譙行院使者及嘉定
府新附諸校坐中觀西山風雨

望際煙霏濕翠幙雄風先作雨前聲鴻濛氣合先天
境慘淡川迴得意兵京吹遠隨悲管發壯懷還傍醉
吟生三年畫戟清香地慚愧終童係越纓

賦西城鸚鵡螺杯

老月淪精射海波珠繩分秀貴神螺鷓班漬粉垂金
薤鸚喙嫌寒縮翠窠樽出癭藤紋浪異瓢成椰子腹

空罇飲餘疑與溪娘遇一笑相看發浩歌

乙亥夏六月廿四日西城邸事馬上望姑
山煙雨濃淡開闔有不可端倪者偶賦是
詩以紀其奇觀云

連山中斷鬱蒼陴全晉蟠紆未了青方訝野煙沉澗
壑忽驅涼吹滿林垆天邊雨脚排銀竹物外仙家列
畫幃擬是姑仙遊八表笑迴龍馭下滄溟

挽翟器之八月十七日清晨夢翟君器之
晤言者良久覺而賦此悼魂而有靈恐當
擊節也

淡癖相看忽四年襟期樗散鄭家虔隸書思入鋸刀
法畫品人推具眼禪滿壁滄洲驚絕筆一樽別酒是

終天不須只聽山陽遂日暮懷人已慨然

哭郝內翰奉使

大河東匯杞連城之子南來氣宇盈義契重於平昔
友斯文公與後來盟苦心問學唐韓愈全節歸來漢
子卿十六年間成底事長編惟見使華名

次楊子英詩韻

十年芸閣想差肩曾侍紅雲尺五天幕府蓮波知
泛麟臺勲業浩無邊劒埋古獄終衝斗玉蘊藍田暖
自煙留取宵中踈俊氣它年揮手障汾川

題開封府後堂壁至元十三年被

省院檄同開封尹陳侯試河南儒士四月
十九日抵京授館開封後署相與握手話

舊且及包范二公事業時予耳疾止酒談
喙間暮兩大作連明因述鄙語奉一笑云
使輶南下入京華滿眼交親笑語譁共訝老螭蟠北
海自怜賤子宿南衙關河痛別襟期豁風雨翻空夜
氣嘉負煞清尊三百爵胡床相對看簷花

投宿洧川驛時病耳

話長不覺道途脩馬轉河堤入宋樓時事未容談笑
故園難遂去來休一天梅雨方初夏兩耳蟬聲預
秋最喜此行陪逸駕未妨吾道付滄洲

許昌道中

一雨長途送曉涼陌塵壓盡燕泥香醉歌金縷辭梁
苑笑拍吟肩入潁昌人物消沉清議在風雲開闔

蒼應怜一片西湖水空照行人兩鬢霜

穎封人廟

在宋樓鎮西三里古堤上至元十三年
夏四月考試河南同陳節齋過其廟陳
為索賦故有是作

穎封遺廟枕高墉窈窕舟青力牖空沿道得人無國
小孝心錫類與天通當年大隧融融樂此日喬林凜
凜風摠道前焦賈餘勇從容難以片言功

友人喪馬

老驥尾然燕色蒼今春長記遠乘將翻江風雨曾何
夢伏櫪飢寒想備嘗既乏敝惟酬逸德忍令銅鬲葬
人腸玉鞭剪斷春遊興驢背清吟要細償

南陽府試院中作

牙堂瀟灑敞晴疏，蒨牆深五畝。居起敬對瞻元凱，
廟訂頑欣得鶴山。書心非道義為充實，身與乾坤恐
自踈。暮倚城闌還一笑，竿頭蚯蚓引鰲魚。

寄李士觀

時在襄陽蕪簡好古即中

拚醉清樽洗別顏，我來君往轉淒然。遙看漢水無三
百，不覲清揚已五年。甕舞未收輸鬼笑，候蟲多足返
瓊憐。義襟誰似張京兆，早為吹噓使北旋。

張京兆謂
好古也

時在襄陽

徵理錢穀等事

南陽北城同陳節齋晚眺

大野東瀕楚塞遮，清川西鶩抱城斜。瓜分鼎峙連三
國，地廓天開到一家。丞相大名垂宇宙，龐公高節動